

興安縣志卷十五詩

五言古

送楊申職方通判信州

梅堯臣

從來饒信吏愛寶襲侈越莫買冰玉盤蒼山斲明月明月有時
生窮巖有時竭君常抱清節歷職老無闕與我年齒同獨未變
華髮又爲江外行畫舸羨明發

秋日趨任信州途中遣懷

孫從龍 知府

悠悠涉世難脈脈矢心素驅車徧天涯赤城紫荆度嵩衡江漢
間庾嶺觸嵐霧我行豈不迺征輪幾回顧士生已懸弧安得羣

興安縣志

卷十五 詩

鷄鶩黃鵠千萬程白雲攬朝暮天上剖竹符翱翔奮皇路彩鷁
溯鷺湖徘徊軫民務脂韋匪性真遇合良有數葭屋幾顛連隨
車欲膏露鬱鬱芾棠陰鉛刀欽所慕清飈滌我襟曠焉徹天步

夜過興安道中卽事

萬鍾

雲懶未歸山漏聲夜將午樹色藏小巒溪聲落前浦陰沉月欲
橫風來翠交舞蒙茸卧古株隱屈若乳虎桓桓一老翁弄嬰尙
當戶引項問旌蓋伍伯呵之怒反咄婦孺觀官長誰行部減騶
而颺趨云乃公若祖年年祇候多若個碑茲土長抱掩兩扉深
息忘作苦所以邱山人雞犬共太古

次郡侯夜過興安韻

張國經 知縣

電駕夜馳驅火燎時旁午樹搖迤北旌月掛遲南浦父老扶而
觀兒童欣以舞云是我福星稱爲今繡虎下車蘇疲郵流膏霑
萬戶式度玉和金可擬孫無怒頌示遏雲歌留題所按部益仰
斗山高登壇作宗祖所以簡命膺衡文在斯土交慶得賢師誰
嘆遺珠苦黃瓊若何人名共垂千古

答友人水災歌

鄭毅 中丞

忽聽扣門聲呼童聞有客問童客何如云客頭已白衣裳半泥
沙面貌渾菜色自言昔遭兵今又逢水厄家業付東流世味吞

興安縣志

卷十五

詩

二

黃蘗欲死已無棺求生又無策鄉邦有仁人扶筇訴艱棘我一
驚此言寸心真怵惕倉皇爲披衣相見坐以席亟欲問其詳未
語淚先滴今歲次庚辰六月當九日雷鼓震天明電旗翻地赤
風雨驀然來天地都昏黑高嶂起驚濤層巒崩巨石溪石山上
浮山石田中積水漲高如山莫計尋與尺低田盡爲溪高地皆
成磧或謂起山蛟或云騰蜥蜴突然到吾廬浸沒墻與壁大兒
承升木顧婦已無跡少婦牽孤兒登樓梯已失兩弟逐猪牛一
去無消息夫妻子母情悠悠竟何極哀哀鴻雁羣今作魚龍食
父老豈前知預辦登山屐餘生幸苟存晚計何能畫屋破基已

荒沙礫難爲拾竈沉倉則浮米粟無遺粒吁天天已傾呼地地
已拆官衙似海沉門扉多遮隔遣子訴衷情三見三遭斥鄉人
似予家不止二三百欲語氣不充欲行脚無力無田尙有糧無
丁尙有役里胥肆徵求雞犬無甯夕尙念同一鄉幸爲施陰德
嗟我無官守嗟我無言責欲濟杖無錢欲賑舟無麥汝饑猶我
饑汝溺猶我溺官若聽我言我豈爲汝惜相送淚盈把不但青
衫濕

偕翁若可由龍泉菴登靈山絕頂

鄭大雅

清晨出山寺日光始摩盪草露濕芒屨薜蘿碍行杖洞壑千百

興安縣志

卷十五 詩

三

盤懸崖幾萬丈烟嵐有矜色故故向人闕天關何崔巍摩空作
異想俯瞰石欲奔仰眺天無恙行行松樹杪坐坐白雲上瞻顧
絕塵凡咳唾動星象

振衣萬峰頭不敢小心目東南烟幾點鄱湖水一掬怪石欲拜
人寒蟬響吾足攜詩復搔首其事未免俗賤子再拜言殘疆藉
仁牧嶽神信有靈鍾孕豈無屬

自有宇宙時茲山遂鼎峙登者果何人杳然不復記羊祜信爲
賢杜預亦難比勛業與聲名峴首同礪礪丈夫生斯世一切應
俯覲邱陵不足學泰山當仰止

望龜峰

鄭大雅

龜峰三十二峰峰競孤峭森壁碍歸雲高崖觸飛鳥杉檜疑高
秋雷雨鬱冥與石罅走龍螭雲巒蹲虎豹松濤引靈籟蘿月失
全照莓泉洗石詩山僧坐谿篠萬象呈幽竒石山扼樞要何當
陟高頂一領眾峰妙

謝邑侯張仍渠先生禱雨

鄭人瑞 明經

上天本仁愛雨暘無差忒聖王重農功艱難知稼穡設官代牧
民教養分其職愛恤厯

宸衷屢逢頌

興安縣志

卷十五 詩

四

詔勅上官且清廉恩澤蒙其實利乃勸興行弊卽嚴禁草諸郡
較信州信州遜他國六邑比興安興安殘已極觸目盡荒涼滿
城皆荆棘兼遭兵燹後誰爲我培植幸遇張循良毅然爲已力
二十二里餘落落動悲惻催科寓撫字寬厚無苛刻履畝親課
農農人稱唧唧所爲必告天晚香亭畔識所行恐傷民思補堂
中飭良吏擅威名狐兔胥藏匿蕭然冰署中琴鶴伴胸臆淡薄
性所甘靡麗非所惑蘊藉與風流道州相與卽無何旱魃侵年
年受彼剋勞我侯精神禱求事匍匐夙夜惟寅清齋必變其食
甚至食不暇每到日之昃憂樂必同民實爲官之式更憶甲申

春民爲饑所逼穀價日高騰民皆有菜色我侯力救荒先發廩
爲亟施粥濟其餘毫無所吝嗇歡聲動若雷民稍得安息夏復
遇亢暘雨露全無得侯卽自迎仙較前心愈盡宿廟懇投詞寤
寐多反側未幾七月初重霧障西北人且望雲霓須臾雲撥墨
移時降甘霖滂沱滿溝洫實惟侯感通不用多推測一戴天之
功再頌君之德功德縱高深還藉侯羽翼

讀興安縣志并贈甘簡齋明府二首

戴第元

信州佳山水崢嶸饒冰玉古郡隸餘汗由來領縣六橫峰勢巘
屹遙對鷺湖曲厥壤利用陶合土盈一掬盃如茂陵貴浙處龍

興安縣志

卷十五 詩

五

泉族實繁有其徒偏處雜悍俗審政需萬室巡司特專屬繼分
符以判而不能約束時或呼庚癸攘奪及米粟世廟徇民請截
長補短促上饒弋陽地立縣岑山麓改邑不改都日暫久則不
二百有餘年編戶勞司牧

盛世惠愛長春臺澤優渥越罹寅卯變瘡痍久未復環城數十
家朝烟朗晴旭蓬蒿滿山椒衙齋映新綠急溜何泠泠湖嵌勢
剝礫有鳥夜怪鳴鼉鼉下湫谷土囊倏怒號大吼惟獸伯捲旆
拔連抱飛蚨飄瓦屋余亦肅然恐荒庭披苜蓿卓哉使君賢風
清膏雨足詎云挾彈丸儼然列蒲穀我聞昔昌黎陽山食微祿

無民無丞尉松間書可讀有客剥豕來詩成酒正熟至今賢令
尹風流景芳躅披志動幽懷長吟事遐矚撫琴如可歌眾山響
應谷

興安道中三首

蔣士銓 翰林

羣山奔會中孤嶺每一卸叢叢灌木合隱隱邨墟藉後巘降已
深前谿入猶乍田疇好風日宿雨長禾稼丈人倚柴荆召客至
茅舍繞屋栖餘糧倉廩無隙罅豐年豈有常比戶畢婚嫁
連巒石輪困起伏散壁壘我疑神人戰旗鼓擲於此免胄鬪爾
顛覆金赭其底時清洗兵久刀劍不須砥地力用各殊藉以鎮

興安縣志

卷十五

詩

六

郊鄙團團列星隕鞭撻孰能徙崩崖垂象鼻宛若鉅橋圮石爾
苟能言吾將敬微旨

靈山自端居岑山走一臂側嶺卧高原城郭壓肩背縣門帶塲
圃榛莽雜蕪穢街衢日色薄寂寞吏民對昔聞聚逋逃墟險亦
可畏荒墟存黑灰冶竈今則廢懷哉古人心建置豈無謂

興安雨後卽事

王賡言 觀察

入山不見城入城不見山時有雙飛翼棲息齋閣間朝與白雲
出暮與白雲還城市如山林未昏先掩關

望龜峰

葉向榮

雲氣何逢逢散作靈龜峰龜峰三十一一青芙蓉琪花與瑤
草淺碧間深紅攬纈不能盡跌坐倚長松驚濤捲地來夾水鳴
淙淙摩泥洞在南水簾洞在東一溪枕雙流疊樓跨當中樓中
何所有了髻兩仙童示我一卷書讀之不能終斯文出蚶斗吾
道如蟻蠟圖錄及寶藏其義將無同童子點首去雙雙騎癡龍
別我向西行訪道歸崆峒我去將何之路斷白雲封

七言古

賜老歸田

陳康伯

憶昨東京拜將時武夫前導爭馳驅上奉天子一人命下率百

興安縣志

卷十五

詩

七

僚羅網維秦階賜膳侑金幣上食供進黃門賫夜來胡塵犯邊
土手握億萬兵擒虜揮揚殺氣橫九秋指揮猛將皆貔虎八荒
掃蕩沙漠空旋師奏凱明皇宮英雄富貴皆常事辭榮解綬歸
興濃白石如玉泉如酥河清海晏樂耕鋤雉鳴麥秀花卉敷親
朋會合情歡娛有子可教孫可訓有書可讀田可租常願年豐
五穀登斯民安堵心則愉

拜王有道先生墓

鄭大雅

靈山山竒竒似石靈溪水深深而碧先生勇退居其間無恙煙
雲供揮斥自唐歷今幾百年茫茫滄海變桑田相對門牆何處

問校書坏土獨巍然勁節高風不可沒不在詩名留斷碣素月
澀淡子規啼中有人焉呼欲出

贈邑侯劉百一先生

鄭大雅

斗大孤城岑之麓滄桑一變市如谷斷草寒煙幾十年一望荒
涼愴心目城內城外總空虛三家兩家破茅屋窮黎奔驛罔甯
居生聚教誨竟誰屬嗟民恃官猶恃姥恩斯勤斯賴仁牧百姓
望公如望歲人人倚作荒年穀公來約法祇數言父老聞之咸
感哭一切稅政俱報罷恍如塵垢獲新沐盤根錯節眾攢眉奏
刀騞然報効速大儒立德不草草太平官府甯碌碌坐看荒城

興安縣志

卷十五 詩

八

回泰運琴韻花香風穆穆

十桂行

興安學中百餘年物

國朝

戴第元

御史

夢不到廣寒清虛之天府足不到招搖皋塗之名山偶作杏壇
香案吏坐我青青叢桂間桂兮桂兮森列兩廡剛陽星精聚於
奎儼然天數五而地數五何年風雨度高岑虬枝偃蹇盤根深
仰若華蓋籠蒼翠來巢山鳳與文禽虛巖隱月石室留陰古苔
曉濕蒼龍夜吟手執一卷南牖下秋風颯颯吹我襟吹我襟彈
我琴香飄犀玉蕊散粟金童子來掃落花去釀作香醪適素心
羣呼仙友樂且耽

二柏行 亦學中物

國朝 戴第元 御史

山雨空濛搖蒼翠，浩劫光明青石氣。坐焚栢子十斛香，仙種移自磽山至。卓哉古幹聳青霄，擎雲濯露風刁刁。雙株不入華林苑，玉衡煥彩連魁杓。我昔曾遊太學日，黛色參天勢鬱鬱。龍鬚一一足心神，後凋喜掇家丞實。惟後彫兮傲寒霜，君子不屈兮獨抱其中。
叶我欲對此夢羲皇，枕中疑聞長笛聲。
商

五言律

興安八景

劉儀寵 知縣

橫峰勢律萃城北，望霏微崖補雲邊。巖嵐生石上衣松，鳴將黛

興安縣志

卷十五 詩

九

拂鳥過挾青飛薄，暮鐘聲發遊人尙未歸。
橫峰積翠

夜半山城靜寒鐘，帶月來一聲。天地曉萬里，霧煙開虎豹心俱

寂龍蟠夢一回，琴堂無個事深省。意悠哉
龍泉曉鐘

天台最高處，一望半東南。萬壑爭呈秀，諸峰並吐嵐。山河雲作

界，城郭樹相參。寄語登臨者，毋輕視小菴。
天台遠眺

習聽思岑洞，登臨憶赭亭。欲分函谷紫，不共石人青。隱隱春天

曙，明明夕照局。地靈豪傑起，莫看少微星。
赭亭堆霞

何處秋光漾，盈盈水一潭。月明堪作玉泉潔，不名貪草木清暉。

濯江山碧玉函，香焚獨夜坐看烏。出花龕
馬潭印月

寒原一片石似鶴勢倏然不向林泉下將騰霄漢邊誰能施俗網似可戴真仙何日發長嘆聲聞徹九天

鶴石摩天

玉屏誰染翰筆筆向天書雁字揮毫後山嵐潑墨初驅雲歸遠岫寫月過青渠為問生花管光芒恐不如

玉屏文筆

橫溪青淺水共說似蘭亭細細魚翻浪幽幽鳥下汀流來一澗綠照去萬峰青不斷如琴響高人徹夜聽

橫溪曲水

興安旅舍偶成

鄭日奎

荒驛羈棲日孤城入望時蕭疎如我慣落拓任人疑山翠寒將滴溪香風自吹宛然罨畫裡賞會已成詩

興安縣志

卷十五 詩

興安八咏

鄭日奎

靈山青未了此地得橫峰巖壑無端幻松杉若為容嵐光開薄

霧夜色滯疎鐘待訪幽棲士煙霞路幾重

橫峰積翠

羣籟向晨寂鐘聲破窈冥萬山藏不任一徑去還停神鬼路方

迴人天夢各醒恒河沙劫劫彈指此中聽

龍泉曉鐘

力抗橫峰出摩空不記年到來登復頓入望斷還連地迴龍蛇

蟄天低雷雨便齊州何處是九點只蒼煙

天台遠眺

岑陽平望處遠見赭亭山落日懸丹壁危峰展翠鬚遙窺深澗

處應有老僧閒遊屐何年到雲松此共攀

赭亭堆霞

一鑑馬潭水偏於明月宜幻成空際色添得畫中詩影浸峰巒

濕光分草樹滋蛟龍寒不寐夜半恐潛移馬潭印月

墮羽化爲石猶傳丁令威丹將霞作頂素借雪爲衣聞野聲雖

寂摩空勢欲飛肯同鷄與鶩只逐稻梁肥鶴石摩天

孤峭凌雲出江郎夢未通風煙任批抹霜雪幾磨礮地啟文明

兆人增辭賦雄豈同波浩廢咄咄但書空玉屏文筆

一水來無際潏洄繞郭斜桑麻過餘潤鷗鶩趁平沙夾岸山如

畫沿堤人幾家秦源疑不遠溪上見桃花橫溪曲水

送從子稼菴之興安令二首名元衡宋琬

興安縣志

卷十五 詩

十一

爾作銅章吏余慙華髮翁香隨荀令綬馬羨鮑家驄并邑干戈

後家園涕淚中老人俱出牧清白是良弓

仲容才本健叔夜少而孤莫惜折腰苦須寬算口租九江看虎

渡大澤有鴻呼到日梅花發題詩寄老夫

宿興安

趙進美

徙倚庭階暮苔衣見屐痕月臨官舍小山帶女牆尊古木寒兼

雨荒城靜似村天涯傷短髮獨坐對虛樽

歸雲堂懷汪文定先生

鄭大雅

出岫知無意東歸甯有心堂留千古跡雲結萬山陰玉斗清猶

昔冰溪綠更深臨安歌舞地風雨久蕭森

興安道中二首

王賡言

山城初過雨四野淡含煙細草寒逾茁早花紅更妍人行棕樹裏鳥語竹橋邊東作農心慰春流足稻田

纔經遊絕壑旋復上高邱突兀奇峰出縱橫野水流人家俱太古竹樹儼清秋行路不知倦山川豁遠眸

七言律

興安道中踏雪口號

陸虎孫

車騎駉駉向曉征乾坤四望玉爲京樹含謝傅階前色人擬山

興安縣志

卷十五 詩

十二

陰道上行孤岫出雲時隱見疎林映水互空明冰壺擁傳清吟骨回首窮閭無限情

九月八日興安道中秋望用杜韻二首

朱在鎬 推官

牽幃猶未授寒衣兩月章門始告歸薄宦又逢微祿斷山城欲到茲人稀孤鷹捩夜風爭疾萬木臨秋葉盡飛擬把紫螯對黃菊不禁鄉思與心違

遯聽秋聲萬壑哀驅車确犖苦遭迴離離朝旭啣山起策策寒風倚樹來客子越吟常作賦旅懷吳望屢登臺明朝兄弟同搔首且上荒亭一舉杯

葛仙山祈嗣

鄭毅

手劈浮雲袖拂煙等閒飛步到層巔
茸草色春深路淡淡嵐光雨後天
奔走十年真是夢清閒一日便爲仙
商霖未借臺前竹快靚青芝長玉田

葛仙壇訪見明尊宿

徐世溥

幽居幾歲狎偷安特爲孤峰上葛壇
一卧煙蘿忘入境長看雲石對凭欄
崖經野燒松鱗古澗夾餘冰竹影寒
最愛相逢無佛語成蹊共在不言端

將卜居葛源託家仲秀子往謀之

鄭日奎

興安縣志

卷十五 詩

十二

葛源聞道似桃源花落花開自一村
乞與個中尋片地筮將此去隱衡門
酬知無自領葵藿避俗非關爲子孫
但作太平民已足深山高卧亦君恩

野人不敢負初心築室深山更欲深
但使煙雲常到眼從教樵牧得相尋
流泉澹却堪澆竹老樹留之好聽琴
三徑他時如可就邀君日夕共聯吟

贈慧菴大師

鄭以偉

大學士

童子草繫今衰翁龐眉覆雪來溪東
田衣百結雲常滿罌器千家飯不同
江動鼃鼃嗟杜甫梁成魚鼈度朱蒙
多少簪纓徒束

手茫茫翻讓濟川功

初至興安

吳煊

城外青山山上城蛇盤蠖屈勢分明梯高欲與天相近野窄無
嫌路不平幾戶炊煙出林影一街更鼓亂蛙聲此來我好求仙
術何日丹砂煉得成

將之任南康留別興安諸同學二首

胡學淵

匏繫岑陽十八年殘編數卷伴青氈胸無奇字慚揚子號是先生
愧鄭虔獨有此心堪自信敢云吾道少人傳鷺湖一脈誰能
續還望諸君繼昔賢

興安縣志

卷十五 詩

十四

鬚毛一任雪霜侵故我常存直到今室萃芝蘭多舊雨墻環桃
李半新陰青燈每爲論文剔綠酒翻因惜別斟他日憑高廬阜
立側身東望白雲岑

送廣文周揀夫先生歸興安

國朝 吳照 學博

葛溪一老貌清臞養就胸中智慧珠記得信江曾識面頰然白
皙少髭鬚

新春奉檄到南安相見俱驚作冷官趁得花時同泛艇晴煙開
處水天寬

閒居每道溪山樂課子時將筆硯親怪得文章風格老藏園門

下舊門人

輪來甲子恰初週正值黃花爛漫秋便掛蒲帆下灘疾重孫笑
舞望歸舟

浴溪太老師易篲圖題詞

并小引

孝廉

傅大章

豐城

晴湖老夫子司鐸豐城時

章

受業師也講論之暇時道其尊

人浴溪太老師之為人富而好禮耄而好學督課子孫不使

一日逸其生平義舉尤指不勝屈

章

心慕之恒以不得一見

為恨歲辛亥

恩科

章

幸領鄉薦抵葛源謁師敬詢太老師

已捐館二載自歎緣慳重加悵惘師出易篲圖見示拜瞻遺

興安縣志

卷十五 詩

十五

像益想見生前之樂善好施因果緣深故得此坐化之奇異

其即上界謫降之仙耶抑亦西天轉輪之佛耶

章

愧不德不

能銘爰於圖中敬題數言以志景仰

恨不早見公披圖空在望聞公易篲時只似如來樣晨起奉湯

盤潔身禮佛藏羅列呼兒孫語長情復暢喜作太平人天懷殊

昭曠全受實全歸玉樓記天上赤脚與科頭丹青留其狀不改

平生容臨以絳紗帳短衣坐盤足用形老益壯我登公之堂拜

瞻心惆悵孝慈為其門述行衷悽愴幸公後嗣賢福報無可量藏

之萬斯年輶軒甫咨訪

興安縣志卷十五

藝文志

金石

興邑爲窮陬僻壤既乏商盤周鼎足供嗜古之摩挲亦鮮漢碣秦碑克動饜奇之摹搨然而一拳之石數笏之碧偶邀墨客之品題經騷人之鑱刻者亦所在間有不遇尋幽搜勝之士其與螭篆蜒書埋沒荒烟蔓草中者又復何可勝道哉志金石

關隘門有了巖寨在九都與筒油石比連狀如婦人了髻

興安縣志

卷十五 金石

十六

亦名了頭岩古人鐫詩石壁者甚夥歲月既深風磨雨洗字畫模糊不能卒讀今採其剝落少而書法佳者錄之

我。采石山。○○○。且看淡粧濃抹西湖宜何物老嫗生此兒又覩雙髻尤爲奇五丁刻劃盤石時黛綠常假山靈施春風閱盡不肯笄青螺對立鬢弗絲梳雲沐雨容爲誰相逢婉孌是似之古今知幾經品題我困暑役何能詩祇疑前山月鑒故半虧姮娥妬容耶焉知非○○○。

經畧安撫大學尙書單懷李公會伯分闕○○道出岩下○獲負弩矢以拜節鉞越數里以是詩見寄不敢秘爲私室寶故磨

諸厓以示不朽醕佑巳酉大暑節後二日

弋陽縣石佛巡檢權了岩兼本州僉廳建安江。上石口口
巨崖岌岌擎天柱蒼石團團如鐵鑄上有了岩雙髻髮髮鬘髮
蟬生薄霧膏雲沐雨鬱怱怱何憂亂首如飛蓬不學梁家墮馬
髻問君終日爲誰容

吏部侍郎。陽葛公留題歲月既久墨澤不存山靈有遺恨邑
令朱元之書而刻之岩下紹熙辛亥孟冬旦日

興安縣志

卷十五

金石

十七